

Gvangjsih Minzcuz Bau

Guenjbanh: Gvangsijh Bouxcuengh Swcigih Minzcuz Cunghgvau Swvu Veijyenzei Okbanj: Gvangsijh Minzcuz Bause Geiz neix 8 banj
广西民族报 Aenhauh okbanj: CN45-0036 B.2022 Nd.4 Ng.27 Liggaeuq nyaemzyinz nienz ndwensam ngeihcaet Geizsoq: Gungh daih 3521 geiz

Siz Ginbingz Faksaenq Cukhoh Banh Aen Hoih Daengx Biengz Yawjdoeg Gaiq Nduj 习近平致信祝贺首届全民阅读大会举办

Sinhvazse Baekging 4 nyied 23 hauh dien Aen Hoih Daengx Biengz Yawjdoeg Gaiq Nduj 23 hauh youq Baekging haimuq. Cunghung Cunghyangh cungjsuhgi, guekgya cujsiz, Cunghyangh Ginhveij cujsiz Siz Ginbingz faksaenq cukhoh.

Siz Ginbingz youq ndawsaenq naeuz, yawjdoeg dwg diuzroen youq-gaenj hawj vunz rox saw rox sa, demlai dungxcaiz, gungganq daudwz, ndaej hawj vunz daezsingj swhsiengj, laeb lijsiengj coengzsang, miz heiqlingq. Cunghvaz Minzcuz daj ciuhgeq iuheuh yawjdoeg, swnjcienz gij cing-saenz daih daih doxcienz, cau h gij binjgwz gagsaenq gaggiengz vunz

Cungguk.

Siz Ginbingz maqmuengh gyoenq dangjyenz, ganbu daiqdaez doegsaw hagsib, lien ndang ciengx cei, demgya dungxcaiz; maqmuengh gyoenq lwgnyez gvenq yawjdoeg, angqyangz yawjdoeg, cangqheiq maj-hung; maqmuengh daengx biengz cungj caeuqfaenh yawjdoeg, guhbaenz gij heiqlaenh noengznwd gyaez doeg-saw, doeg sawndei, ak doegsaw.

Gwnz haimuqsik, Cunghung Cunghyangh Cwngcigiz veijyenz, Cunghsenhbu bucanj Vangz Gunh-mingz doeg gij saenq Siz Ginbingz caemhcaiq gangjvah. De naeuz, gij saenq Siz Ginbingz cungjsuhgi, cung-

faen yienh'ok dangjuncunghyangh lai yawjnaek doidoengh daengx biengz yawjdoeg, hwnqguh aen Cungguk homsaw. Aeu nyinhcaen habsib gvan-gez gij cingsaenz ciji youqgaenj Siz Ginbingz cungjsuhgi, gyagiengz yinx-linx yawjdoeg, ung funghsang yawjdoeg, cau h laeb aen dihi fugsah doigvangq yawjdoeg cwgoemq singz mbanj, doidoengh daengx biengz yawjdoeg gyalai cwgoemq, daezswng binjciz, demgya saedyauq, aeu hwnq-guh aen Cungguk homsaw coicaenh hwnqguh aen guek ak vwnzva, vih roen moq haenqguh, seizdaih moq laebgoeng gyahaeuq rengz cingsaenz hung'ak.

Aen Hoih Daengx Biengz Yawjdoeg Gaiq Nduj youz Cunghsenhbu (Guekgya Sinhvnz Cuzbanjsuj)、Baekging Siveij、Baekging Sicwngfuj ceijyinx, Cunghsenhbu Cuzbanjgiz、Baekging Siveij Senhconzbu cawj-banh, cawjdaez dwg “seizdaih moq yawjdoeg, roen moq haenqguh”, baugvat baenzroix lundanz, langhbaiz hawj vunz yawj, fatbough caeuq cawjdaez hozdung daengj hothoh. Mizgven bouhmonz fucwz dungzci, cuzbanj fathengz danhvei caeuq sevi cujciz daibyauj, lauxhangz yozcej caeuq canghraiz bouxdoeg daibyauj daengj camgya aen hoih.

Denzyangz Gih Guh Minzcuz Vwnzva Haeuj Ndawhag Hozdung

田阳区开展民族文化进校园活动

Vih caenh'itbough laeb aen dieggoek swnjcienz feihvuzciz vwnzva yizcanj, doicaenh hong feihyiz vwnzva haeuj ndawhag swnjcienz, gyalai hagseng nyinhdoengz minzcuz, senhconz minzcuz vwnzva. Hawj minzcuz doxgiet. 4 nyied 22 hauh, youq ndaw hagdangz Bwzswz Si Denzyangz Gih Daihhaj Siujoyz, bouxswnjcienz feihyiz Liengz Feihhungz cingq son gyoenq hagseng aen hagdangz neix Gienzcuenh, Gienzcuenh dwg hangh cienzdoengj dijjuz ndawbiengz Bouxcuengh ndeu, miz minzcuz daegsae lai, dwg Bwzswz Si feihvuzciz vwnzva yizcanj ndawde hangh ndeu.

(Cauh Gyahungj ingj)



Gvangjsih Yaek Guh Gapdoh Bangfuz Gyauyuz Dieg Bien'gyaiq 3 Bi 广西将开展3年期边境地区教育结对帮扶

Mboengqneix, Swcigih Gyauyuz-dingh lwnh vunz lai rox, Gvangsijh yaek guh hong gapdoh bangfuz gyauyuz dieg bien'gyaiq 3 bi, youz Gvangsijh Swfhfan Dayoz、Nanzningz Swfhfan Dayoz、Gvangsijh Minzcuz Swfhfan Yozyen、Bwzswz Yozyen daengj 4 aen hagdangz yiendaeuz. Doenggvaq bang-fuz 6 aen fuengmienh, daengz 2025 nienz, hawj hagdangz dieg bien'gyaiq gyauyuz gyauyoz caetliengh daezswng yienhda, doidoengh dieg bien'gyaiq gyauyuz rox gag hwngfat.

Gvangsijh daj daengx gih senjleh ok 40 aen youwzyenz ndei caeuq 160 aen cungh siuj hagdangz ndei guh-baenz rengz bangfuz, gapdoh bangfuz 40 aen youwzyenz caeuq 160 aen cungh siuj hagdangz dieg bien'gyaiq. Ndawde, Gvangsijh Swfhfan Dayoz bangfuz Fangzcwngzgangj Si Fangz-

cwngz Gih、Dunghhingh Si caeuq youwzyenz gyauyuz dieg bien'gyaiq. Nanzningz Swfhfan Dayoz bangfuz Dasinh Yen、Ningzmingz Yen、Bwzswz Yozyen bangfuz Nazboh Yen、Cingsih Si, Gvangsijh Minzcuz Swfhfan Yozyen bangfuz Lungzcouh Yen、Bingzsiengz Si. Doenggvaq dangciengz yawjduenh、cunzdauq ceijyinx、ciendaenz gyang-co、soengq hag roengzmbanj、doxlwnz gangjvei、gaenban hagsib、cizdij bwhgo、gyauyenz caeziengj daengj bangfuz hingzsi, bang cungh siuj hagdangz(youwzyenz) dieg bien'gyaiq Gvangsijh youq hagdangz guenleix suijbingz、ndawhag vwnzva hwnqguh、gyauyuz gyauyoz caetliengh、lauxsae gohyenz naengzlig daengj fuengmienh miz daezswng yienhda.

Hong bangfuz cujyau daj baihlaj 6 aen fuengmienh guh: Bang hagdangz

gapdoh ra cinj hwngfat dinghvi, leixseuq banhhag lohnaemj, dingh ciengzgeiz hwngfat moegbiu caeuq gviveh; aeu cukmaenh gij eiqsik caezcaemh Cunghvaz Minzcuz guh sienqmeh, giethab minzcuz vwnzva、saekhoengz vwnzva、bien'gvan vwnzva dieg bien'gyaiq, dajcauh ndawhag vwnzva miz daegsae; ceijyinx hag-dangz gapdoh ciuq gvidingh hai gocwngz caez、hai dangzgoq gaeuq, biensij sawsonhag hagdangz bonj-faenh, hailaeb dangzgoq hagdangz bonjfaenh, hai dangzgoq saenqsik gisuz ndei bae, gyagiengz hwnqguh yozgoh mbangnyieg caeuq funghsaed-niemh、funghgoengnaengz、funghsaw-doz, senjbaij lauxsae bang son caemh-caiq ciepsouh lauxsae hagdangz gapdoh daeuj hagsib caeuq sonlien; bang hagdangz gapdoh dingh gviveh

hwngfat caeuq sonlien dajveh hwnq-guh aen doih lauxsae, cinghab son-lien yozgoh gyauyoz naengzlig, hwnqguh swhdwz swfhfungh, cujciz lauxsae maenhndei、lauxsae guzgan bae hagdangz gapdoh guh ceijyinx hingzsi lai yiengh; dinghgeiz guh ciendaenz gyangjco caeuq gak loih gyauyuz gyauyenz yenzdauj hozdung, sonyinx lauxsae hagdangz gapdoh lawhmoq gyauyuz gvanhnen, gajgwz gyauyoz fuengfap, mboujduenh daez-sang gyauyuz gyauyoz caetliengh; ciuq cingzgvang bae guh, yungh banhfap bangfuz guh ndaej daengz, bang hagdangz gapdoh gajndeih banhhag diuzgienh, giensoengq gyauyuz gyau-yoz sezbei gicaiz、saw, guh hozdung gvansim lwgnyez hojndoq bien'gyaiq、ceijyinx gyadingz gyauyuz daengj.

(Hih Cinhaij)